

დადგენილება #ე.კ. 0578-23

ადმინისტრაციული სამართალდარღვევის საქმის წარმოების შეწყვეტის შესახებ

თბილისი

02 ნოემბერი 2023

1. დადგენილების გამომტანი ორგანო (თანამდებობის პირი):

ადმინისტრაციული სამართალდარღვევის საქმის განმხილველი კომისია, კომისიის თავმჯდომარენინელი ბოჭორიშვილი

2. საქმის განხილვის თარიღი: 2023 წლის 02 ნოემბერი

3. ცნობები პირის შესახებ, რომლის მიმართ განიხილება საქმე:

შპს „ავტო დეტალ სერვისი“

მდებარე: იურიდიული მისამართი -- ქ.თბილისი, სოფელი დიღომი, კვირაცხოვლის ქუჩა #84

საიდენტიფიკაციო კოდი #400105569

ფაქტობრივი ადგილსამყოფელი:

4. საქმის განხილვისას დადგინდა შემდეგი გარემოებები:

2023 წლის 12 სექტემბერს, ქ.თბილისში, კვირაცხოვლის ქუჩა #84-ში, შემოწმდა აბონენტი #4710025642 (მომხმარებელი შპს „ავტო დეტალ სერვისი“) აღრიცხვის კვანძი, დადგინდა, რომ დენის ტრანსფორმატორები შეცვლილია და ნაცვლად 100/5 ნომინლისა იყო 250/5 ნომინალის. ფაქტან დაკავშირებით შედგა ადმინისტრაციული სამართალდარღვევის ოქმი #009870, რომელსაც ხელი მოაწერა ობიექტის წარმომადგენელმა, ბონდო ქალიაშვილმა, მან განმარტა, რომ ხანძრის გაჩენის შემდეგ, რომლის შესახებაც ასევე შეატყობინეს სს „ენერგო-პრო ჯორჯიას“, ტრანსფორმატორზე ხელოსნის დახმარებით შეცვალეს გარკვეული დეტალები და სამუშაოების დასრულების შემდეგ გაირკვა, რომ დენის ტრანსფორმატორები არ იყო შესაბამისი ნომინალის, რის შესახებაც მისთვის ცნობილი არ იყო.

შპს „ავტო დეტალ სერვისი“-ის წარმომადგენელს ეცნობა საქმის განხილვის დროისა და ადგილის თაობაზე. სხდომაზე არ გამოცხადდა შპს „ავტო დეტალ სერვისი“-ის წარმომადგენელი.

სს „ენერგო-პრო ჯორჯია“

გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევას არანაირი განცხადებით არ მოუმართავს. ამდენად, კომისია უფლებამოსილია მისი დასწრების გარეშე განიხილოს და მიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; შეტყობინება.), რომელთა მეშვეობითაც შპს „ავტო დეტალ სერვისი“-ის მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი არ დასტურდება, შესაბამისად შპს „ავტო დეტალ სერვისი“-ს მიმართ ადმინისტრაციული სამართალდარღვევის საქმის წარმოება უნდა შეწყდეს. შპს „ავტო დეტალ სერვისი“-ს ადმინისტრაციული სამართალდარღვევა არც მანამდე ჩაუდენია, რაც დასტურდება შსს საინფორმაციო-ანალიტიკური დეპარტამენტის საინფორმაციო ცენტრის მიერ 2023 წლის 01 ნოემბრის ელექტრონულად გამოგზავნილი ინფორმაციით. საქართველოს ადმინისტრაციულ სამართალდარღვევათა კოდექსის 96¹ მუხლის თანახმად, სამართალდარღვევას წარმოადგენს ელ.ენერგიის დატაცება, მიუხედავად დატაცების ფორმისა, ელექტროენერგიის მოხმარება აღრიცხვის გარეშე ან აღრიცხვის წესების დარღვევით, რაც ამ კონკრეტულ შემთხვევაში სახეზე არ გვაქვს. სახეზეა ადმინისტრაციულ სამართალდარღვევათა კოდექსის 232-ე მუხლის 1-ლი ნაწილით გათვალისწინებული გარემოება, რომელიც გამორიცხავს ადმინისტრაციული სამართალდარღვევის საქმისწარმოებას და ასეთ შემთხვევაში (ანუ, სამართალდარღვევის არარსებობის გამო), სამართალდარღვევის საქმისწარმოება არ შეიძლება დაიწყოს, ხოლო დაწყებული საქმე უნდა შეწყდეს. ასკ 230-ე მუხლის თანახმად, ადმინისტრაციულ სამართალდარღვევათა საქმეების წარმოების ერთ-ერთი მირითადი ამოცანაა, საქმის ყოველმხრივი, სრული და ობიექტური გამორკვევა და მისი გადაწყვეტა კანონმდებლობასთან ზუსტი შესაბამისობით.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილი; მე-10; 38-ე; 236-ე; 332-ე მუხლის I ნაწილი; 228²-ე; 230-ე; 240-ე; მუხლებით; 266-ე მუხლის მე-4 ნაწილი; სემეკის 12.08.10 #14; 28.09.15 #28 დადგენილებებით; ს/ს „ენერგო-პრო ჯორჯიას“ დირექტორთა საბჭოს თავმჯდომარის 26.01.2022 OR #2022001 ბრძანებით, და

სს „ენერგო-პრო ჯორჯია“

6. შპს „ავტო დეტალ სერვისი“-ს (ს/კ 400105569) მიმართ შეწყდეს ადმინისტრაციული სამართალდარღვევის საქმის წარმოება, ასკ 232-ე მუხლის 1-ლი ნაწილით დადგენილი გარემოების - სამართალდარღვევის არ არსებობის გამო.

7. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცევიჩის ქ. #19).

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებული მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:
ნინელი ბოჭორიშვილი

